



Broj: 16-12-16-7068- 9 /23
I. Sarajevo, 11. 10. 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godinu broj 16-12-16-7068/23 od 10.10.2023. godine, u otvorenom postupku javne nabavke internet usluga za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke internet usluga za potrebe Državne agencije za istrage i zaštitu za LOT 1, LOT 3 i LOT 4

Član 1.

U postupku javne nabavke internet usluga za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2023. godinu broj 16-12-16-7068/23 od 10.10.2023. godine, ugovor na period od dvije godine, dodjeljuje se za:

- LOT 1 - Nabavka internet usluga u sjedištu Agencije u Istočnom Sarajevu putem fizičke linije, ponuđaču „Mtel a.d. Banja Luka“, ponuda broj 16-12-16-7068-6/23 od 02.10.2023. godine, za ponuđenu cijenu u iznosu od 51.840,00 KM bez uračunatog PDV-a;
- LOT 3 - Nabavka internet usluga u Regionalnoj kancelariji Mostar putem fizičke linije, ponuđaču „Telemach BH d.o.o. Sarajevo“, ponuda broj 16-12-16-7068-5/23 od 02.10.2023. godine, za ponuđenu cijenu u iznosu od 1.200,00 KM bez uračunatog PDV-a;
- LOT 4 - Nabavka internet usluga u Regionalnoj kancelariji Tuzla putem fizičke linije, ponuđaču „Telemach BH d.o.o. Sarajevo“, ponuda broj 16-12-16-7068-5/23 od 02.10.2023. godine, za ponuđenu cijenu u iznosu od 1.320,00 KM bez uračunatog PDV-a.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove Odluke zadužuje se Sektor za materijalno-finansijske poslove Agencije.

Član 4.

Ova Odluka stupa na snagu danom donošenja.

O b r a z l o ž e n j e

Odlukom broj 16-12-16-7068-1/23 od 31.08.2023. godine pokrenut je postupak javne nabavke internet usluga za potrebe Agencije, procijenjene vrijednosti 55.200,00 KM bez uračunatog PDV-a, za koji je obavještenje o javnoj nabavci broj 1161-1-2-184-3-49/23 od 07.09.2023. godine objavljeno na Portalu javnih nabavki i u „Službenom glasniku BiH“, broj 63/23 od 15.09.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu („Službeni glasnik BiH“, broj 22/23). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen je na lotove:

- LOT 1 - Nabavka internet usluga u sjedištu Agencije u Istočnom Sarajevu putem fizičke linije, procijenjene vrijednosti 51.840,00 KM;
- LOT 2 - Nabavka internet usluga u Regionalnoj kancelariji Banja Luka putem fizičke linije, procijenjene vrijednosti 840,00 KM;
- LOT 3 - Nabavka internet usluga u Regionalnoj kancelariji Mostar putem fizičke linije, procijenjene vrijednosti 1.200,00 KM;
- LOT 4 - Nabavka internet usluga u Regionalnoj kancelariji Tuzla putem fizičke linije, procijenjene vrijednosti 1.320,00 KM.

Obzirom da je tačkom 24. Tenderske dokumentacije navedeno da je rok za dostavljanje ponuda 02.10.2023. godine do 12,00 sati, te da se ponude dostavljaju u zatvorenoj kovrti, Komisija je dana 02.10.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustvovala je ovlaštena predstavnica ponuđača „Mtel a.d. Banja Luka”

Blagovremeno su dostavljene ukupno tri ponude i to:

R/B	Naziv ponuđača	LOT	Ponuđena cijena bez uračunatog PDV-a
1.	„Blicnet d.o.o. Banja Luka“	LOT 2	1.080,00 KM
2.	„Telemach BH d.o.o. Sarajevo”	LOT 3	1.200,00 KM
		LOT 4	1.320,00 KM
3.	„Mtel a.d. Banja Luka”	LOT 1	51.840,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda, koji je dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „Telemach BH d.o.o. Sarajevo” (LOT 3 i LOT 4) i „Mtel a.d. Banja Luka” (LOT 1), prihvatljive odnosno da ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Odsjeka za informatiku, komunikacije i sigurnost informatičkih sistema Sektora za operativnu podršku aktom broj 16-12-16-7068/23 od 03.10.2023. godine tražila da na osnovu uvida u ponude ponuđača „Telemach BH d.o.o. Sarajevo” (LOT 3 i LOT 4) i „Mtel a.d. Banja Luka” (LOT 1), dostave stručno mišljenje u pogledu ocjene tehničkih uslova postavljenih u Tenderskoj dokumentaciji. Odsjek za informatiku, komunikacije i sigurnost informatičkih sistema Sektora za operativnu podršku aktom broj 16-12-16-7068/23 od 04.10.2023. godine dostavio je stručno mišljenje, u kojem je navedeno da ponude

„Telemach BH d.o.o. Sarajevo” (LOT 3 i LOT 4) i „Mtel a.d. Banja Luka” (LOT 1) ispunjavaju tehničke uslove postavljene u Tenderskoj dokumentaciji.

Imajući u vidu da je za LOT 1, LOT 3 i LOT 4 dostavljena jedna prihvatljiva ponuda Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke za navedene lotove okončala u skladu sa članom 64. stav (1) tačka b) Zakona, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije i sačinila rang listu ocijenjenih ponuda, kako slijedi:

R/B	Naziv ponuđača	LOT	Ponuđena cijena bez uračunatog PDV-a
1.	„Telemach BH d.o.o. Sarajevo”	LOT 3	1.200,00 KM
		LOT 4	1.320,00 KM
2.	„Mtel a.d. Banja Luka”	LOT 1	51.840,00 KM

Komisija je nakon provedenog postupka ocjenjivanja dostavljenih ponuda, uvažavajući stručno mišljenje Odsjeka za informatiku, komunikacije i sigurnost informatičkih sistema, Sektora za operativnu podršku utvrdila da je ponuda ponuđača „Mtel a.d. Banja Luka” ocijenjena kao najpovoljnija ponuda za LOT 1, da je ponuda ponuđača „Telemach BH d.o.o. Sarajevo” ocijenjena kao najpovoljnija ponuda za LOT 3 i LOT 4, te da iste ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor na period od dvije godine u postupku javne nabavke internet usluga za potrebe Agencije dodijeli ponuđaču „Mtel a.d. Banja Luka” za LOT 1 i ponuđaču „Telemach BH d.o.o. Sarajevo” za LOT 3 i LOT 4, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 3x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darbo Čulum

